


25 IUNIE

**ACATISTUL
SF. MUCENIC
IOAN
CEPOLOSOV
DE LA UGLICI**



ACATISTIERUL PE IUNIE-RU



Акафист

святому мученику Угличскому младенцу Иоанну Чеполосову

Кондак 1

Взбранный Воевода и Господи, ада победителю,
благодарим Тя, яко послал еси граду Угличу и всей вселенней
дивнаго Своего мученика и чудотворца, блаженного младенца Иоанна,
приявшего крест Твой шести лет от роду, спасения ради нашего,
мы же, молитвами его на покаяние подвизаясь, с любовью воспеваем:
радуйся, младенче Иоанне, святой страстотерпче Христов.

Икос 1

Ангелам Божиим подобны святии отроцы,
посланные в мир Господом Любви умиления ради нашего,
глагола бо нам преподобный отче Серафиме,
яко же детей Бог созда для умиления.
Ты же, святой мучениче младенче Иоанне, истинное слов тех утверждение,
узнав бо о тебе и твоих за Христа страданиях,
сердца очерствелые умягчаются,
зло в душах наших молитвами твоими отступает,
и являя нам радость свою, сподобляеши и нас по Бозе радоватися.
Радуйся, дитя радости.
Радуйся, радость родителей твоих, рабов Божиих Никифора и Анны.
Радуйся, в благочестии и добре ими воспитанный.
Радуйся, любовью их тепло согретый.
Радуйся, любовь ту чрез краткую земную жизнь пронесший.
Радуйся, любовью той введенный в Царство Любви иной, несказанной.
Радуйся, и нас подвизающий к тому Царству.
Радуйся, яко в том Царстве цветет радость истинная.
Радуйся, младенче Иоанне, святой страстотерпче Христов.

Кондак 2

Видя кротость твою, похитити тя некий злой человек из дома родительскаго
и в дому своем водворил, замкнул в сундуке теснем,
идеже ты многие биения и истязания от похитителя своего претерпел еси
лютой ради страсти его, сатане служащаго,
в мучении ближних замену любви себе нашедшаго,
ибо каков сатана, таковы и дети его.
Ты же, страстотерпче Иоанне, дитя Божие был и остался,
и пред лицом чернокнижника Христу молился,

и слезы твои паче слов воспевали Богу: Аллилуиа.

Икос 2

Разум земный от одного вида муки немеет и всяк из нас мучений боится,
ты же, светлый младенец, и во тьму заточенный,
не имел в себе общаго со тьмою,
по словам истиннаго Отца твоего Господа Иисуса Христа:
вот идёт князь мира сего и во Мне не имеет ничесоже.
Тебе же, со Христом терзания, биения и уколы тернием претерпевшаму,
с Ним и радоватися в жизни вечней:
Радуйся, во младенческой кротости руку твою в руку мучителя вложивый.
Радуйся, вместо школы земной в школу Христа введенный.
Радуйся, блаженный Его глас услышавый: возьми крест свою
и следуй за Мною.
Радуйся, обретший крест в дому фарисея новаго.
Радуйся, Христово дитя, в сатанинский вертеп сшедшее.
Радуйся, и тамо как свет во тьме светившее.
Радуйся, ни отца и матери не отрекшийся,
ни Отца Небеснаго.
Радуйся, долги дни и ночи истязаний
пред восходом к Нему претерпевый.
Радуйся, сии дни как пост пред долгожданным Праздником приявый.
Радуйся, младенец Иоанне, святой страстотерпче Христов.

Кондак 3

Силою домогася ослепленный мучитель в безумии своем,
дабы ты отца и матери отрекся и его бы
отцом назвал и учеником его стал в науке сатанинской.
Ты же, младенец, не умеяй отрицатися любимых даже вида ради,
его безумства отвращая, за что еще больших истязаний сподобляся,
но душа твоя безмолвно Богу воспевала: Аллилуиа!

Икос 3

Имеяй от Бога силу терпения велицего,
сохранил еси узы святии, блаженный младенец,
и, взошед на небеси,
храниши молитвами твоими семью православную,
дабы все всех любили и в любви Христовой радовались.
Радуйся, чудный небесный заступниче отцев, матерей и детей.
Радуйся, истинную любовь сыновню явивый.
Радуйся, наипаче явивый любовь ко Отцу Небеснаму.
Радуйся, младенец, не ведающий отречения от тех, кого возлюби.
Радуйся, не умевый кривить душею ради облегчения земнаго.

Радуйся, за любовь и верность в жизни сей пострадавший.
Радуйся, дитя доброе родителей земных.
Радуйся, дитя верное Отца Небесного.
Радуйся, младенче Иоанне, святой страсотерпче Христов.

Кондак 4

Бурю внутрь имея помышлений диавольских, распалися мучитель,
облик человек, Богом данный, утративый
и облик адского зверя явивый,
и воистину уже не он ты, блаженного, мучи,
но сам враг рода человеческого,
ненавидяй вся живое;
ты же, святой младенче Иоанне,
и от тела земнаго отрешаясь,
паче и паче образ Божий обретал,
и уже устрашися истязатель твой,
Ангелы же Господни невидимо с тобою воспевали: Аллилуиа.

Икос 4

Слыша о терзаниях младенца святого, смотри, человече,
что делать умеешь ты, егда диавол с тобою,
смотри и ужаснися древнему отпадению твоему от Бога
возри, во что превратили тя страсти твои,
и как мало стал ты отличать от бесов,
которых всё ещё боишься, хотя уже не боишься Бога.
Ты же, младенче чистый, Богу верный, радуйся.
Радуйся, твердость недетскую в страданиях явивый.
Радуйся, вечнаго мучителя сатану посрамивый.
Радуйся, нож в свою плоть приявый и
мучителя без ножа оставивый.
Радуйся, сыне райских обителей, в нихже взошед.
Радуйся, яко в созерцании их всяка боль мира сего забывается.
Радуйся, среди мук пришествия Богоматери сподобивыйся.
Радуйся, пред тобою предстояла Она,
яко у креста Сына Своего.
Радуйся, из сундука земнаго, смертнаго
в жизнь вечную вышедший, аки Лазарь из гроба,
услышавши глас Спасителя: "Гряди вон".
Радуйся, младенче Иоанне, святой страсотерпче Христов.

Кондак 5

Боготечною звездою отлетела душа твоя,
егда пронзил бессильный мучитель ножом главу твою,

не выдержав терпения твоего,
коим без слов обличался хозяин его, человекоубийца от начала.
Уподобился ты, страстотерпче Иоанне,
блаженным младенцам Вифлеемским,
Иродом убиенным, страданиями же своими превзошел их
и воистину уподобился еси великомученикам святым.
Темже и мы призвавшего тя на небеса Господа воспеваем: Аллилуиа.

Икос 5

Видим, яко страшен и тернист
путь из мира сего тленного в Царство Христово,
кое не от мира сего -
и боль и мука смертная стоят адской стражей на пути сем.
Однакоже и нам предстоит в час, коего не ведаем,
тот путь чрез врата тесные.
Проведи нас, малодушных,
яко добрый привратник на сем пугающем нас пути,
да тобою избежим тяжких мытарств, да простит Господь прегрешения наша,
твоими молитвами, да выйдем к свету, да воидем в Царство вечное,
аможе да возрадуемся с тобою и со всеми святыми.
Радуйся, вышедший из мира сего тленного дверьми отворенными.
Радуйся, прошедший путем страшным на сретение Христу.
Радуйся, дитя, лишненное радости земной, обретшее же небесную.
Радуйся, яко пред Солнцем тоя радости меркнут свечи радостей земных.
Радуйся, яко мука твоя шестнадцатидневная
раем вечным упразднися, идеже несть времени.
Радуйся, нож бо, пронзивый главу твою, венцом нетленным ея увенча.
Радуйся, со всеми мученицами, братьями твоими во Христе.
Радуйся, да и мы же молитвами твоими сподобимся возрадоваться.
Радуйся, младенче Иоанне, святой страстотерпче Христов.

Кондак 6

Проповедуем, якоже тобою, святой младенче Иоанне, сатана посрамляется, и
все, пленённые им, надежду на освобождение обретают.
Сатанисты и чернокнижницы, мучители и человекоубийцы
чрез тя покаяться и спастися могут, аще восхотят, и диавол бессилен их
удержать,
связан бо Господином и Учителем твоим Господом нашим Иисусом Христом,
Ему же славу во веки воспеваем: Аллилуиа.

Икос 6

Возсия Царство Божие во отроце немощнем.
Взгляни, человече, на младенца, победившаго и посрамившаго

зверя древнего, змия, кольцами нас оплетшего,
воззри на мнимую силу зла, развеваемого, яко дым,
и воздай славу хрупкаму детищу, увенчанному венцем победительным.
Радуйся, безгрешием своим бессилие сатаны явивый.
Радуйся, пределы его власти показавый.
Радуйся, посланниче Царства не от мира сего, посрамивый князя мира сего.
Радуйся, живой цвете сада райского, об него же нож диавола затупися.
Радуйся, весть от Христа Победителя нам пославый.
Радуйся, Его вечной победы приобщивыйся.
Радуйся, лоза спасения, протянутая всем отчаявшимся.
Радуйся, яко та лоза крепче отчаяния нашего.
Радуйся, младенче Иоанне, святыи страстотерпче Христов.

Кондак 7

Восхотел Человеколюбец Господь открыти нам подвиг твой:
обрели пастыри на осьмый день по убиении тело твое святое,
песком укрытое, тлению же не причастное.
Мы же чрез тя, святыи младенче, обретаем совесть свою,
песком бесчисленных грехов погребенную,
и Богу, явившему тя для спасения нашего, вопием: Аллилуиа.

Икос 7

Новаго тя мученика видя, потрясены были люди града Углича,
узрев дело рук убийцы безвестнаго, на младенца посягнувшаго,
и яко Апостолы на Тайной вечери, вопрошали:
кто бы это был из нас, который это сделал.
Мы же, совестью обличаемии, разумеем,
яко всяко зло в мире по грехам нашим творится
и мы - истинные мучители и убийцы твои,
блаженный Иоанне, ты нас прости,
а кого ты простишь, того Господь простит молитвами твоими.
Радуйся, получивый власть прощати мучителей.
Радуйся, яко той властью вси мученицы обладают.
Радуйся, душа милующая на земли и на небесех.
Радуйся, страстотерпче всепрощающий.
Радуйся, блаженным терпением диавола победивый.
Радуйся, наипаче победивый его прощением.
Радуйся, яко мучение есть закон мира сего,
прощение же и любовь не от мира сего, а от Царя Христа.
Радуйся, да и мы тобою надежду на прощение обрящем.
Радуйся, младенче Иоанне, святыи страстотерпче Христов.

Кондак 8

Странное чудо нам является: кроткий лик Господень,
узнаем в ликах ближних.

Младенца же замученного узрев, аки самого
Христа распятого, забыть невозможно,
и уже нестерпима для души нечистой
вечная молитва его к Богу: Аллилуиа.

Икос 8

Весь трепеща, убояся мучитель твой Рудак дела им содеянного
и сам по недолзе времени открылся всем.
Яко Иуда бросил полученные сребренники,
также и он с отвращением отбросил покров тайны преступления своего,
ты же, неоднократно явившись во сне родителям твоим,
умолил их помиловати и не казнити мучителя твоего,
уподобившись Христу, молившамуся:
прости им, Отче, не ведают бо, что творят.
Радуйся, о прощении мучителя умолявый.
Радуйся, законы мира сего поправый.
Радуйся, заповедь Христову исполнивый.
Радуйся, и нам в том пример явивый.
Радуйся, спасший родителей твоих от желания отмщения.
Радуйся, подымающий и наша помышления от земного к небесному.
Радуйся, крестоносителю безропотный.
Радуйся, любовью твоею вся прощаяй и покрываяй.
Радуйся, младенче Иоанне, святой страстотерпче Христов.

Кондак 9

Всякого земного избежав суда, отпущен был Рудак, сей новый Каин,
мы же, хотя бы и убийств зримых не совершали,
ведаем в миг покаяния, что сами не лучше его
и почти во всем ему подобны.
Заступничество твое дивное воспевая, блаженный Иоанне,
Богу вопием: Аллилуиа.

Икос 9

Витийство свое суемудренное оставив,
припадаем к тебе, безгрешному младенцу,
яко последней надежде помилования
и, лобзая ковчег с честными мощами твоими,
восклицаем: якоже упросил ты отца и мать твоих
помиловати мучителя и убийцу, обреченного пленника сатаны,
также и Отца Небесного можеша умолиши

о прощении нас, кающихся рабов греха.

Радуйся, надеждо на прощение Божие всем нам грешным,
Рудаку подобным и худшим его.

Радуйся, младенческими устнами нам с неба великую тайну любви
возвестивый.

Радуйся, Самому Христу воистину уподобивыйся.

Радуйся, сатанинский закон мести разрушающий.

Радуйся, всех непотребных и отчаявшихся грешников дивный предстателю.

Радуйся, в немощи земной непобедимую силу небесную явивый.

Радуйся, дитя по плоти, истинный же муж в духе Христовом.

Радуйся, младенче Иоанне, святой страстотерпче Христов.

Кондак 10

Спасл еси души родителей твоих от мрака отчаяния,
блаженный младенче Иоанне.

Плачет Рахиль о детях своих и не хочет утешиться,
плакали и родители твои о тебе, но от тя же и утешение дивно получили
вместе с вестью о жизни вечной, о мире, идеже несть разлук.

Темже и мы с ними Богу воспеваем: Аллилуиа.

Икос 10

Стена еси и заступление всем отчаянным, блаженный младенче,
мрак разлуки в жизни временней озарил ты светом сретения в жизни вечней.

Мы же, к земному рабски привязанныя, оторваться не умеющия,
но от земного к небесному глаза подымающие, вопием ти:

Радуйся, утешение всем родителям, детей своих лишившимся.

Радуйся, надеждо всем разлученным зде
на сретение в Царстве Небесном.

Радуйся, подаваяй радость нетленную,
егда радость брэнная разрушается.

Радуйся, вечный светильниче, от солнца Отчаго возжженный.

Радуйся, посланниче любви Христовой,

Радуйся, яко та любовь никакою смертию не побеждается.

Радуйся, истинный сыне Отца Небесного, в Нем же несть потерь.

Радуйся, брате и вечный заступниче всем истязуемым, страждущим,
пропавшим,

пленным, убиенным.

Радуйся, младенче Иоанне, святой страстотерпче Христов.

Кондак 11

Пение всеумиленное тебе приносим,

церковь Божию над честной могилой твоей видяше,

во славу тезоименитого тебе Предтечи и Крестителя Господня Иоанна,

усилиями родителя твоего возведенную
и донине град Углич украшающую,
ты же - истинное небесное украшение града
и людей, вопиющих Богу: Аллилуйа.

Икос 11

Светозарную свещу в тебе узрев, некий слепой боярин прозре,
от мощей твоих прежде их прославления
мы же молим тя, святой мучениче Иоанне,
по молитвам твоим да дарует нам Господь прозрение от слепоты мира сего,
суеты и греховной скверны, затемняющей зрак правды,
сбивающей нас с пути к Царству Небесному,
идеже ты со всеми святыми пребываеши:
сокрыл бо Господь тайну Царства от мудрствующих и открыл младенцам.
Радуйся, истину Господню познавый еще во младенчестве.
Радуйся, Самим Христом истине наученный.
Радуйся, познавый без слов, яко истина та есть любовь.
Радуйся, величайшим святым мужам в любви уподобивыйся.
Радуйся, яко любовь мученическая есть сокровище высшее.
Радуйся, любовью твори чудеса.
Радуйся, крупице той любви и нас приобщаяй.
Радуйся, яко только любовью Христовой спасемся.
Радуйся, младенче Иоанне, святой страстотерпче Христов.

Кондак 12

Благодать источаяй, мощи твоя чудотворныя и многоцелебныя в Угличе
почивают,
помощь же твоя не ведает границ и расстояний,
всякого бо молящагося тебе ти в Царствии Небесном слышиши.
Яко царевич Димитрий во граде твоём не корону земную от Царя Христа
получи,
но венец нетленный; тако же и ты, Чудотворче Угличский, венценосце
небесный,
с ним и со всеми святыми молишися за нас пред Отцем всех и вся:
Отче, помилуй и спаси людей твоих и не помяни им грехи их. Аллилуйа.

Икос 12

Поюще твоя чудеса, наипаче же воспевая любовь твою, восклицаем:
обними нас руками твоими мученическими и утешь,
от гордыни бо своей одиноки мы,
якоже убийца твой Рудак, привязаны к веку сему,
пленены миром сим временным.
Совість гложет нас, покаяния же спасительнаго несть в нас.

Поведи нас путем покаяния, приведи в Царство Небесное,
якоже дитя, знающее путь, за руку ведет взрослого, сбившагося с пути.
Радуйся, младенче путеводителю.
Радуйся, воскресителю нашей совести.
Радуйся, умягчение злых сердец.
Радуйся, отгонителю сатанинских помыслов.
Радуйся, крепкий наш пред Богом предстателю.
Радуйся, дарующий от Бога слезы покаяния.
Радуйся, руку протянувший утопающим в трясине.
Радуйся, яко рука твоя младенческая сильнее той трясины.
Радуйся, младенче Иоанне, святыи страстотерпче Христов.

Кондак 13

О, святыи и чудный младенче страстотерпче Иоанне,
утешение скорбящих и надеждо грешных,
нынешнее наше прими приношение,
утоли болезни наша телесныя, наипаче же душевныя,
отврати лютых грехов, нас сковавых,
умири брань плоти, нас сожигающую и ко всякому злу направляющую,
от геенны избавитися нам Господа умоли,
на тебе надеемся, кроткаго победителя диавола,
и с тобою воспевает: Аллилуиа.

